

GOSPEL TANGKOU

(GOSPEL HERALD)

Issue No. 05

Volume: XL

MAY : 2026



Kum Thupi:

‘Thou ‘In, ‘Lamtha ‘Kia ‘Vai...’

(Neh. 2: 17-18)

EDITOR:
RT. REV. KHUP DO KHEN,
BISHOP

EDITORIAL BOARD:**Founder Editor:**

Rev. Hauzalian Manlun

Editor

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Rev. Dr. M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Nh. Nuamboi
(Women Promotor)
6. Divisional Superintendent teng

Design & Setting:

Upa Khuplajem Guite

Circulation Manager:

Sye Langnou

Mob: +918729901029

Upa Tutzamung

Mob: +918731830436

CONTENT

- | | |
|---------------------------------|------|
| 1. Editorial | : 1 |
| 2. Thou In, Lamtha Kia Vai | : 3 |
| 3. Missionary Day | : 4 |
| 4. Mother's Day | : 10 |
| 5. Khristian Leh Politics | : 12 |
| 6. Khristian Sakhuo Leh Science | : 19 |
| 7. Kum Thupi Hilchetna | : 25 |
| 8. Missionary Biography | : 27 |
| 9. Report | : 29 |
| 10. MELC Innsung Thu | : 32 |

Life Member : ₹ 3000/-

Patron Member : ₹ 2000/-

Kum Khat lah man:

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahman Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



*“...Noah khu ama khan lain midih leh hopibukim ahia,
Pasian toh a zawkhawm hi” (Siamchilbu 6: 9.b).*

Mi koi zong Pasian toh zawkhawm utlou koima aum sih ding hi. Pasian toh zawkhawm i-ut zieh mama ajong Khristien sahkua/biehna inazui chiet uh ana hizing hi. Adiehin, Pasian oi, (tapidaw) I Mangpa Jesu Khrist khu Lal leh hundampa dinga pom gingu khat pou pou zong Pasian toh zawkhawm ana himawh laizang sih hi. Khualzingamvahna mun a Zawkhawmpi dia ideih leh ingaite khu ihindan kibahpi deute ana hikha leng uhi. I hindan kibahpi lou, ineh-idawn kibahpi loute, gamtat-khawhei kibahpi votlou mite toh zawkhawm, lam zuikhawm, nekhawm-dawnkhawm, umkhawm dih chimawhpen sil nop hetlou leh uthuai mawng mawng lou khat ahi hi.

I Pastorte toh khualzin khawm, munkhata giekhawm leh kithuakhawm ding zong koima a ut a um sih hi. Aziehpén, Pastorte toh iumkhawm chienga, nahziel kitep theilou, tuibuuh kimuam theilou, raja, talab leh zu leh sa, khamthei-guithei kine thei lou hi. Ne tei tei lei zaw, koi in ang tutang zou sam diei? Hinanlezong sil kilawm lou le noploupi khat hing suoh doh ding ahi hi. Tamite genlou, ikam ham ding dan, thugen-lasah dingdan zong kiven zing angai nalai hi. Tambanga kivengzing tungtawn a damsung hun tomnou khat jah khah ding pen, koima a ut I um sih hi.

“Pasian in nangma ang it bang in midang zong a it hi” - Billy Graham.

Tuabang ahitah leh Lei leh van leh mihingte hing siampa toh zawhkhawm ding chi moh pen, na kimuang ngam nai ma? I bieh Pa Pasion hilhial toh zawhkhawm ding, giehkhawm ding, nehkhawm ding, dawn khawm ding chi moh pen, a maingap huai na moh diei le? Pasion toh zawh khawm tah tah dingin, na dinmun, na neh le dawn, na hindan, na lungput lunggel dan te ching leh fel na kisa huntawh nai ma? Ki vel chien pha kia kia voi. Pasion toh zawhkhawm chi thugual pen ikum thupi dinga bawl ngam sam ihi uleh, eizong ikipuahphat mama ngai ding ahi. I tawpsan ngam ding zong tampi khat um ding ahi. I hindan ngaina pi toh, bangma kipuohphat sawm votlou a, Pasion toh zawhkhawm chi kum thupi a zahbei moh dingpen pamai talua hi.

I Laisiangthou ah, mi koi zong Pasion toh zawhkhawm pouma, a hindan luite zousie uh nuasie ngentang ahi bou uh hi. Abraham in ahin dan lui, milim biehma anuasie hi. Mosi in asunghpa belum chinna anuasie hi. Sawltah Paul in zong ahindan lui anuasie hi. Mi koi zong Pasion toh zawhkhawm ut ten ahindan lui uh anuasie chiet uh ahi hi. Nang le ken jong ihindan lui inuasie ding, Pasion in adeilou tampi aum a, inuasie ngam ding ahi hi. A hindan lui nuasie utlou Kumpi Saul, Ahab, Jeroboam, Manasseh adang tampite genthei tahin, aleitung hinkhuate uh ana jang khinta uhi. Pasion toh zawhkhawm loua hinkhua zah agenthei huaidan amau te tungpan zil vai in, tuin iPasion toh zawhkhawm tah tah tadingin, lungsima thukhentanna neita va ui. Simtute zousie, Pasion toh zawhkhawm utna lungsim nei dingin Mangpan hing umpi chiet ta hen. ●

Leadership pen dinmun hilou in, influence ahi” - *John C. Maxwell.*

“THOU IN, LAMTHA KIA VAI” (Neh. 2:17)

Pastor Hausawmlal, Local Pastor SLC

Sim tuhte! Mangpa Jesu Khrist min ngainou toh iki nousieh masah uhi, i kum thupi uh pen gendan tuomtuom leh ladan tuomtuom ahi kha ding in ka gingta hi, tualeh tamna tomkim theipen in gendan leh ladang khat ah en khawm va ui.

Thou in ki chithei leh akichi na Pa/Nu khu a lum nalai china ahi. Ahin tamta ah thou in ichi nasan pen tasah lang ah kitoldam lang genna ahi sih ah sunglang hinna lang gen na ahi zaw hi.

Nehemiah in amipi chipite kung ah ana gen in adinmun uh theisiam tah leh lainattah ana tangkou pi ahi. Oleh, Tambang mission lienpi bawl khiet theina ding a Nehemiah in ang tangkou pi ngam khu bang zieh adiei china ngaituah khangai ei?

Nehemiah in Jerusalem kulbang chimsah lamtha kie na ding ama aki lam masah hi. Nehemiah in

Jerusalem kulbang te leh kotpi ki halsiehte thu ajata in a khupding suh hi (1:4). Nehemiah in midang te kulbang lam ding in ahahat masang in ama thumna leh Pasian thu ah napitah in ang ki lam masah kie hi. Tambang ah aki lam masah na in Jerusalem kulbang lamjou na lamdangta in Mangpa'n pieh hi.

Koiteng va lamsawm sang in unau ei ma ikilam masah pen khu sildih leh Pasian deidan ahi.

1. Mani kilamlou in innsung lam sawm sin,
2. Mani kilamlou in hattuom lam sawm sin,
3. Mani kilamlou in khotang

“Bible pansan lou a thugen pen in thahui anei sih hi”- *Charles Spurgeon.*

lam sawm sin.

4. Mani kilamlou in nampi lam sawm sin.

Mani kilamlou sil dangteng buai pi ah na valamlam sawm leh atopna chu; Mani kisiel nate, ki gimsah nate, kibawl theisah na te hing hibep ding ah Pasian thupi na piehlou ah Pasian maimual sah tuh ihi kha tha thei zaw hi, tuathamlou in atheng thalsah tuh a lamtha tuh hi

sang in ihi kha thei zaw hi.

Tuazieh in Nehemiah in thou un achi masang in leengpa huangsung a tantoh a nopsah tah a umna mun apat ahing thou khie masah ah thumna hing ki lam in Pasian muang ngam in tang ang samkhie ngam johi.

Simtuh zousie Nehemiah bang ah ki lamjou masah chiet ding in Mangpa'n hing guolzawl chieta hen. ●

MISSIONARY DAY:

7th May, 2026

- Rev Dr M. Thangboi Zou

Thumapui: “Missionary Day” zang thei dinga damna toh Hattuum mite hing pui pa Pasian min ka phat masa hi. Thupi a ilut masang un “*Missionary um zieh leh Hattuum leh Mission*” kichi tomkim in igen dinga, tuazou chiengin “*I Gam a Gospel hinglut dan leh bang zieh a 7th May khu Missionary Day a kizang e?*” chi gen in ikhupsit ding uhi.

Tangtel: Tuachi'n Mangpa aw kaza a, tua aw in, “*Koi ahiei ka sawl ding, koi ahiei koua singa kuon ding?*” achi hi. Tuachi'n ken “**Tanah ka**

um hi, Kei hing sawl in Mangpa” ka chi hi (Isai 6: 8).

MISSIONARY: Tami ahileh “mi khat Pasian deina leh sawlna bang a

“Pasian ngaituana dihpen khu Khristian hinkhuo bul ahi” - A. W. Tozer.

Khantanhohi tangkoudia/ Pasian thu techi apang dia kuokhe mi khu missionary” akichi hi. Tamna missionary umzie i theisiemna ding un Missionary chi thum akhen in i gen ding hi, tuate ahileh:

i) Mission-one: Tam umzie ahileh “*Pasian nasepna leh Khantanhohi genzana dia imi isate lah a kuon mite*” agetna ahi. Tualeh “*Tawndan kibatpите kunga Pasian thugen*” chia zong genthei ahi.

Gentenan: “*Zoute’n, Zoute kunga Pasian thugen*” china ahi.

ii) Mission-two: Tam khu “*Pasian nasep/ thugen a ham kitheipite kunga khantanhohi vagen mite*” agetna ahi. Tualeh “*Tawndan kilamdang deute kung a Pasian thugen mite*” chia zong genthei ahi.

Gentenan: “*Zoute,n, Meiteite kunga Pasian thu vagen*” china ahi.

iii) Mission-three: Tami ahileh “*Leitung Kawl ningli a Pasian thugen akuonte*” agenna ahi. Tualeh, “*Tawndang dang khat apat adangkhat mite kunga Pasian thugen*” chia zong genthei ahi.

Gentenan: “*India miten Japan, USA leh Korea mite kunga Pasian thu avagen*” china ahi.

Mission Field toh kisai a itheisiem theina ding un tomkim in chi-2 enkhawm vai.

i) Lou nai: Lou nai pen niteng a kuonthei zing ahia, ikiman dan zil a Lou nna sep thei ahi. Tuabang ma in “*Pasian gam nasepna khu eima sung a zong septhei ahidan*” agennum hi.

ii) Lou Gamla: Lou gamla pen tha sen angai a, vanzat ding zong apoimaw hi. Tamin agetnuom ahileh, “*Missionary nasep pen Kipumpia nalou in kisem*

“Nang pen nangma ding bou a siem nahi sih a, Pasian nasem dia siem nahi zaw hi” - Rick Warren.

zoulou ding, Ham-le-pau, Tawndan zong zil angai a, itenna mite nusie a tawndan dang zang a Pasian thutah gendia kuonkhiet” ahing ensah hi.

Tomkim a gending hilei, Pasian nasep na zong chi-2 ahi, eima mite lah leh namdang a sep thei ahi, Mi zousie **Lou gamla** (Missionary) nasem din kikuon khe thei sih nanleh **Lou Nai** ah Pasian nna kisem thei ahi. Ahin Lou nai leh Lou gamla a sem zousie agin umlou leh asepe Gaa mu ding umtuonlou hi, tumi zieh in isepna chiet ah ginum tah in sempou lei Pasian itung ah kipah mama ding hi, chi theichiet vai.

PAWLPI LEH MISSION:

Laisiengthou siemte gendan in, “*Hattuum khat pouppou mission nasepna ngai thupilou Hattuum khu Bible toh kituoh lou hattuum ahi*” chin agen uhi.

Laisiengthou siem minthang **Emil Brurer** kichipan tam bangin agen hi, “*Akuong a um main Mei (fire) ahing um a, Mission a um main Hattuum hing um ahi*”. Tualeh **Prof. Ladd** in “*Hattuum pen kumpigam (kingdom) hilou in, hattuum tam kumpigam akemtu. Avanzat leh a theipitu (witness) ahi a, siemzilna mun khat bang hilou hi. Agamtang/nasem gige hiin leitunga dinga hing pieng khie ahi hi*” chin anagen hi. Tualeh **Bosch David J.** kichipan, alaibu gel “***Transforming mission***” sungah hichin agen hi, “*Khristian hindan ding pen a ettawn (example) ding bou hilou in, a patathuoi ding zong ahi. Aumdan in polam mite hip a, khristian hidia kailut poimaw hi*”.

I GAM A MISSIONARY DAY HING PIEN KHIET DAN:

I tenna uh Southern Manipur, Churachandpur District

“Pasian itna nei tahtah mi khu ahinkhuo akikhel jou hi” - Francis Chan.

sunga **Missionary Day** hing pienkhiet dan ahileh, apeisa kum 1904-1905 AD sungin **Walse** gam sungah Hagaulam a Halthana (revival) tun zieh chilei i khiel din ka gingta sih hi. Tam halthana in **Pu Workin R. Robert** zelsuoh in, gammiel gam a missionary nasep utna lungsim aguon hi, tuachin Pu Robert alungtup muolsuona ding in **Pu Dr Peter Fraserte** nupa toh 1908 kum in “*Keswick Convention*” ah ahing kimutuo uhi. Pu Dr. Fraserte nupa ahileh, “*Welse Calvinistic Methodist Foreign Mission Society*” te chomna (sponsor) nuoi a Aizawl (NE India) a “Medical Missionary” nasem ahi uhi. Pu Robert leh Pu Fraser te nupa i tenna gam uh India nisim 14th October 1908 kum in Tembaw (ship) ah tuongin ahing zin khawmta uhi. Tuachi’n nisim 19th December 1908 kum in Aizawl (Mizoram) khopi ahing tungta uhi. Aizawl

ahingtun un-Pu Fraser te nupa in, “Medical Clinic” nasep ahing pan ngal ua, **Pu Robert** ahileh “Dispenser leh Private helper” dan in nasep ahing pan hi. Ama ahileh tangval feltah leh mitaima ahi ziehin agam mite’n (mizo ten) “*Sap Tangval*” chin ahan uhi.

Pu ROBERT PASIAN GAM NASEP DAN:

Dr Fraser te nupa sepna akithuapi kawmkawm in Pasian nasep ahing pan tahi, tuachi’n kum 1909 in North Wales akipat Miss Emily Davis kichinu’n Pu Robert pen England Sum Pound 5 gift in ahing thot hi. Pu Robert in tua sum in **J.H. Lorrians leh F.W. Savidge** ten “*Lusai ham a Bible Khantanhoi Johan laibu*” (Gospel John) ana bawl pen uh **copies 100** lei in ahing hawmzah panta hi. Tam Khantanhoi Johan laibu hawma aum laiin Senvon khuo mi khat

“Pasian in ama adia kipe mi khat tangtawn in sil lienpi abawl thei hi” - *Dwight L. Moody*.

damlou ki-ensah dia Aizawl ahing zin khat toh akimu ua, akihoulim lai un, damlou ki-ensa dia hing kuon pan Robert kungah, “*Pu aw kou kunglam ah koiman khantanhohi hing gen kha nailou ahi*”, chi’n ahil hi. Tuachi’n, Pu Robert in zong tua Bible (Khantanhohi Johan Laibu) copy khat Senvon **Hausapu Kamkholun** adin apawsahta hi.

Pu Kamkholun in tua Bible Johan laibu amu in, ha thum nua in (after three months) Pu Robert adin lai tam bang in agielta hi, “*Pu aw, Tami laibu umzie leh na Pasian thu nang mama in hing hilchien in*” chin Mizo ham a giel in Gawlawng sung a thunlut in tangval thum apei din asawlta hi. Pu Robertin tua laithon amu akipan in Manipur a um Senvon khuo phah ding alunggul tah mama hi, tuachia alunggul laitah in Manipur apat tangval ni Aizawl khopi ah laisim te toh ang kimu

khata uhi. Tuagiel ahileh **Tv. Thangkai** (Maite khuomi ahi) leh **Tv. Lungpau** (Buoltang khuo mi ahi), amaugel toh Senvon khuo zuonin nisim 5th February 1910 in Aizawl nuasie in ahing kipan kheta uhi. Pu Robert, Senvon khuo ahing tun kum khu 1910 ahia, tuachin **Johan 3:16** pansan in khantanhohi ahing tangkou panta hi. Pu Robert, Senvon khuo a Pasian thu ahing getpat ni khu 7th May 1910 ahi. Southern Manipur, (Churachandpur District) a Khantanhohi hing lutna khuo masapen ahileh **Senvon khuo** ahi. **Tv Thangkai & Lungpau** te khu “Southern Manipur a Khristian masapen” ahi uhi.

BANG ZIEH A 7th May KHU “MISSIONARY DAY” CHIA KIZANG E?

Southern Manipur a 7th May 1910 ni khu “Missionary Day” ahidan chiengtah a laigiel leh phuonkhietna akinei dante ahileh:

“Hagau mitna khu Pasian toh kipawlkhawmna (Fellowship) apat kimu ahi” - *Watchman Nee*.

i) Pu Prim Suantak Vaiphei in laibu ana gelna, **“Church Growth Among the Hill Tribes in Manipur, NE, India”** sungah tambang in ana giel hi, *“Pu Robert, Aizawl apan Senvon ahing tun ni khu 7th May, 1910 ahia, tuana alawite/ ang kizawpi mithum teng ahileh Savuma, Vanzika leh Taitea toh hing pei ahia, Senvon khuo pen Mission centre”* din asiem uhi.

ii) Elder Lalchhawzora in alaibu **“Detailed Information”** agelna sungah, *“Khantanhoi Senvon khuo ahingtun ni khu 7th May, 1910 ah”* chin ana giel hi. Tualeh, *“Leader Conference, North East India General Mission 1960”* kum a Rev. H.L. Sela Chairmanship hina nuoi ah *“kum teng a 7th May nipen Missionary Day chia zatdi, khuleh Hattuom chinin anit (observe) ding ah”* chin

phuon khietna ahing nei tahi. Tuami nia kipat *“7th May ni khu Kum tengin in ei Southern Manipur ten Missionary Day”* in izang chiet uhi.

Pu Robert in, Pasian nna asej jou kum 4na (1914) in Senvon khuo ah, *“The Thadou Kuki Pioneer Mission”* (TKPM) kichi ahing ding khie a, tuazou in 1924 kum in ahoizawna ding gelnan TKPM pen *“North East India General Mission”* chin ahing khel kiata uhi. Tuni chieng in NE gamsung a Gingtu 99.9% aki umta hi.

Akhupsitna: Tam Missionary Day tanchin naza akipat bang lunggel na nei ei? Miten ahinna tan ngam a eiten kumtawn hinna inei theina ding ua ahing kipia khiet ngam u’leh, ei gingtu kichiten Pasian thu za khanailou/ piengtha nailoute’n Pasian thu aza thei na ding un

“Pasian ah kingah ngamna khu hagaulam hinkhuo a abul ah” - Oswald Chambers.

bangchin pan ilakhawm
ding uai? ngaitua thaam
ching mama ahi.

*kungah Khantanhoi
tangkou un” (Mt. 28: 19,
Mak 16: 15) chin avaiha hi.*

Gingtuten Khantanhoi
itangkoupi ngam lou u’leh
imaban a siltung ding khu,
Guolnei Ezekiel in hichin
agen hi, “*Gingloute kunga
Khantanhoi itangkoupi
lou leh amaute sisan
man Pasian in ei gingtute
tungah hing phul ding ahi*”
chin (Ezek. 3: 19) agen
hi. Jesu’n nuazui 12te
kunga athupieh lienpen
khu “*Leitung pumpi ah
pei unlen, silsiem chinteng*

*Tunia gingtute nasep
poimaw pen khu
“Gingloute kunga
Khantanhoi tangkou ding,
Hundamna nailou te’n bang
chileh Hundamna amu thei
ding uai, chia pan nasatah
a la ding” chi ahi. Eima
hitheina bang chiet a Pasian
gam keletna dia pang thei
chiet din ngaikhetu zousie
Mangpa Pasian in athutah
igente hing guolzawl chiet
tahren.* ●

MOTHER’S DAY

NU GILSUNG A NAUNGEH HOULIM!

Nupi khat sung ah ngaungeh ni aum a, ni khat, ani un
a houlim uh kichi hi. Khatpen in aunaupa kungah,
“Tammun i pawtsan chiengin, hinna ineiding chi na ginta
ei?” chi’n adong hi. A Unau pa’n, “Hitalua, tammun i pawtsan
jou chieng in, bang ahiei khat a um ngei ding hi, bang ahiei i
tung a hing tung ding chi ngaitua kawm in kisahkhol ding hi”,
chi’n a dawng hi.

Khatpen in, “Gintathuoi chiengin dam sutzawp
sih e, tam gilsung i pawtsan ngaina aum himhim sih

“Lawchinna khu atawpna ahi sih a, lawsapna zong shina ahituon
sih hi” - *Winston Churchill.*

ding” chi in adawng hi. A unau pa’n, “chiengtah in ka genchien theisih na a, Tammun apan i pawtkhiet chiengin, a vahzaw dia, Keng in ipei ding a, i khut zang in i kam ah ann neh dia; tua i theisiemlou khellam ahing hi ngei ding in ka kigingta hi,” achikia hi.

Khat pen in, “Gintathuoi vot sih, bangchi’n i keng in ipeithei diei? Bangchi’n i kam ah ann ineh moh diei? I laigui zang in i tahsa poimaw pieh in aum a, i laigui lah a tom ngal a, i peithei mama diei? Pienkhietnung a damkhiet ngaina aum sih” chi’n a pang tinten hi. A unaupa’n, “Khawlvui, Tammun sang in pienkhiet nung in i hinkhuo a kikeldeu ding hi, ann leh bangkim i tahsa poimaw i donnatam laigui pen i poimaw nonsih ding hi” ahing chi keukeu hi.

Khatpen in, “Gintathuoi moseng, ahileh, piennung a

hinna a umngal leh, bangzieh a a piengsate koima hing kinuale lou uh? Pienkhiet jou khu shina ahi mai! Hinkhuo ngeina himhim a umsih. A piengkhe taphot a tanchin uh itheizui um votlou ahi” chi nalai hi. “Ka theizou tuonsih e,” chikawm in, a naupa kungah, “i pienkhiet chiengin, ahing hiingtu (mother) imu dinga, aman hing enkol ding ahi” achikia hi.

Khatpen in, “i nu khu i kimvel ah hing vengbittu in aum hi. Ama a um ihi a, ama zieh a hing ihilel hi. Ama panglou in hinna tawp ding a, umzia neilou ihmiai hi!” chi’n hilchien hi.

Khatpen in, “Ama lah imuthei votsih a, suongtuana va maimai ahi. Nu kichi a um tahtah zong ka gingat theisih” achi kia hi. A naupa’n, “Ngaituana thuhtah toh nguntah a ingaitua leh, i Nu khu umngei ahidan na

“Sil lienpi bawl khe thei sih nanlechin zong, itna toh silneu khat na bawlkhe thei hi” - *Mother Teresa.*

theithei ding tunglam apan hing hatnate a hing itnate lungsim siengthoutah a na ngaikhiet leh, na theichien thei ding” chi’n adawng kichi hi.

Tam thu ahileh phuotawm dan bang ahi. Mi chi ni ium ahi (i) Pasion um gingta leh (ii) Pasion um gingta theilou. Shinung a hinna um gingta leh gingta lou. I Bible in chiengtah in leitung leh asung a um zousie Pasion siem ahidan leh Ama gingta zousie Hutdam

a um ding ahidan gen in, tam khovel i peisan nung a Pa angsung a tawldamtah a um ding hidante zong hil in i um a, tam thu thudih ahi. Tuami ziehin, ngaidan peipi naungeh pen bangin, Pasion mit a mu sese sawm a gingla pawl i um ua, shina khellam ah sil umdan ding hil a um napi a gingtathei votlou pen, vangsietna ahimai hi.

Source: *Miss Dimzangai, Ruth Messenger, Vol- XXV, May-June 2021, pp. 33 apat ka hing lekhieth sawn ah by Managing Editor.* ●

KHRISTIAN LEH POLITICS

February Ha ban zomna...

PASIAN ZAU KUMPI NASEMTE ETTON VAI:

Tami toh kisai Bible apat leh leitung vaihawm Pasion jau mibang zat ahiei eaten iphattuompi thei ua, amaute banga Politics isai theina dingun tam lou anuoi ah enkhawm nailai vai ei, amaute ahileh:

Bible sungah:

Bible ah genthei ding tampi umnanleh mi-4 te hinkhuo tomkim in anuoi ah enkhawm vai, amaute ahileh:

i) Pasion zatat mama Danial in Babylon kumpi vaihawmna napi’n athuzaw mama hi. Dan. 4: 27 ah, Danial in kumpi Nebukkadnazzar

“Itna bou in kihuoatna azou jou hi” - *Martin Luther King Jr*

kungah, “Leengpa aw, ka hing thuhilnate tawpsan inlen pomtah hihen; na khelnate tawpsan inlen sildih bawlin, na gitlouna tawpsan inlen, mi genthei tung ah khotuona langсах in. Tamte’n na nopsahna asusau khamaw sih ding hi” achi hi. Danial in hangsan tah leh chiengtah in leengpa lamdih ana koh mu hi. Danial ahileh Babylon gamsung pumpi ah houtulien leh mipilteng zousie tunga upipa ahi (Dan. 2: 48). Denial inleengpa vaihawmna innsung ah dinmun thupitah nei a, tuami banah aman leengpa dih leh tang a vaihawm dingin thuhil hi. Danial in kumpipa thupia ajuilou ziehin Humpi kulsung ah kumpipan khe nanleh ajuipa Pasion in Humpi hon akipat Danial humbit leh kembit hi.

ii) Joseph in Aigupta a Pharaoh vaihawmna nuoi a upipa khatin ana pang hi. Bible ah Pharaoh vaihawmna ah Jospheh in ana thuhil zeldan imu hi (Gen. 31: 37-44, 42: 6, 45: 8-9).

iii) Baptispa Johan in Kumpi Herod Antipas, amimal khelna ziehin a taihil thu imu hi (Mt. 14: 3-4, Lk. 3: 18-20).

iv) Sawltah Paul in zong Kaisaria thonginn a khum a aumlai in Rom Governor dihtatna leh mani kithununna leh Pasion vaihawmna hing tung ding thu ana taihil hi (Acts 24: 24-25).

v) Exo. 1: 15-21 na sungah Pharaoh in Hebrew pasal naupangteng tha chimit dia Order asuo lain, Shiprah leh Puah ten Pharaoh thupia sangin Pasion thupia “Tualthat sin” azuizaw ziehun Pasion in aguolzawl hi.

vi) 1 Leengte 18: 4 ah, Jezebel in Guolneite tha siengdia thupia abawl laiin Guolnei Obediah in amaute ahin theina dingun kohawm sungah phuoldap in, nei-le-dawn ding ape ngam hi.

Bible toh kikal Kumpiten Dan (Law) ahing bawl chieng ua, gingtuten douthei ahidan tamna igente apat zilkhiet thei ahi hi.

“Sil lienpi na bawl nuom leh ni khat (one day) bou en sinlen, hun sotpi en in” - *John C. Maxwell*.

LEITUNG VAI AH:

Leitung ah politician genthei ding tampi a ua, nanleh mi-2 hinkhuo tamlou anuoi ah enkia vai ei, amaute giel ahileh:

i) William Wilberforce:

Ama ahileh 19th July, 1759 in Yorkshire Suolam, Hull, London mun ah apieng hi. Baptist minister leh social activist khat zong ahi hi. Kum 21 (1780) apha in Britist Innpi ah, Hull biel akipat M.P. din ahing lut hi. London khopi ah khotang nasepna ah athuzawsem in a hinglut kia hi. Ama hunlai in agam sung uah “Suoh-le-sal a sum suina umpen abeina din House of Common ah hangsan tahn kum tampi lungkelou in ana tangkoupi hi.” Aman “Abolitionism” a tangkoupi khu Evangelical Khristianity Thugin apat piengkhe/ kilakhie ahi hi. Aman Pastor John Newton, “Ameging Grace la phuopa leh Suoh-le-sal a kimat ahoiloudan mukhepa” khu “Spiritual adviser” din azang

hi. Kum tampi lungkelou a atangkoupi nung ashi masang deu ni-3 akivat ni’n tami (26th July, 1833) “Slave Abolition Act” innpi ah lemsah (pass) in ahing um hi. Suoh-le-sal a sum suina suhbei ahinua in William Wilberforce siltup dang khat ahileh, “Silhoilou, Umdan; gamtatdan toh kisai a gitlouna, khelna, tatletna, hiamngamna leh adang dang Khristian gamtat dia kilawmlou zousie Vaihawmna Innpi tungtawn a suhbei ding. Kikhailup ahiei, kigawtlup ahiei ten silhoilou asuhbei sih ding a, mani phalna kipie a nasep zousie khu gitlouna kipatna ahi” chi khu apeipi ahi hi. Tuachi’n, William Wilberforce zong Flu natna ziehin damzou nonlou in 29th July, 1833 kum in, ama tahsa kum 73 apha in Codagon Place, London, United Kingdom ah amuolliem tahi. Kumpi vaihawmna sunga Issue khenkhatte Political action henglam dan theina dia Pasian jau leh thudih dinpi ngam te’n gamsung kivaihawmna ah heng lamdang thei ahidan

“Pasian toh kithuokhawm zing mite abei ngai sih ding hi” - *Billy Graham.*

ahing zilkhe sah hi.

ii) Martin Luther King

Jr: Ama ahileh 5th January 1929, Atlanta, Georgia, United States ah ana pieng hi. Ama zong William Wilberforce ma banga Bible zilsahna jui a dingkip khat ahi hi. Aman apeipi/ atangkoupi ahileh a gam sunga “Mingou leh mivom kikal a kidaidanna suh bei ding” chi khu ahi hi. Tamte toh kisai a “Civil Right Movement” lamkaitu khat ahi. Aman khotang a kihuotna leh kimudana adim khu pansan bulpi a anei ahileh “Kingaidamna” chi khu ahi. Ama kitheina khat ahi kialeh “I Have a Dream” chi khu ahi. Luther a dingin ngaidamna khu “Khotang kisesa tungding tha na dia khotang sietna douna dinga Khristian galvan ahi” ahi hi. Ama ahileh 4th April, 1968 kum in, ama tahsa kum 39 ahi in Memphis, Tennessee mun ah ana muolliem tahi.

William Wilberforce leh Martin Luther King Jr bang conviction nei Khristian

politician igam in akitul moh hi. Thutah, thudih, leh thuhoi thei pumpum a Innpi vaihawmna sunga ahing tou chieng ua Sum amla nazieh a amitegentheina leh chimohna, nuoisie a umte manghil thei tu khangin Politician kidei nonlou akihi man in, Pasian jau, khotang leh amite bitna dia Sum amla lou akidei mama tahi, na chisih uh mah, nou zong...?????

K H R I S T I A N P O L I T I C I A N T E N A T H E I D I A H O I K A S A T E:

Tami toh kisai kei mimawl mudan tamlou mawltah in hing kum vang ei. Khristian Politician khat na hileh, na thei dingte:

i) Galvan toite panpina toh na lawching leh amaute deidan leh lemsahpi khu na jui ngai dinga, na mite gentheina leh chimohnate ah dei bangin panpina nasep nabawl jou sih ding hi.

ii) Khristian politician kahi na kichi ngal leh, Vote Capture, Force leh Sum

“Awl awl a pei ding ka zau sih, ahin ka kinuole tuon sih hi” -
Abraham Lincoln.

hawm a kaidin kisah sin len, tamte panglou a na mite deisahna toh kaidin kisah ngam zaw in.

iii) Khristian khat kahi, mi piching khat kahi na kichi ngal leh, na Vote suilai a na thugente, thuchiem na bawlte manghil vawt sin!!! (Thuchiem bawl a zawploute kihai tuonlou ahi hi).

iv) Gam leh muol (leitang) Chi-le-Nam kal bitna susedia Sum tampi piadia jol a na um hun chieng un, Sum sangin Gam leitang leh chi-le-nam bitna ding telngam hing hizaw ta un.

v) Lawchinna ding deina zieh in na mite (Innsah, innhang) dougal melma a ki-en din siemkhet sawm sinlen, dougal melma a ana ki-en kha aum tah uleh nang vangin tuate beisah sawm zaw in.

KHRISTIAN DIHTAH NA HILEH NA MANGHIL VAWTLOU DING THUTE:Southern Manipur khu 99.99 % Khristian dihtah

kahi kichite tenna khopi ahi hi. MLA, MDC Election hun chiengin i Khristian hina uh mansuote (mipite ka genna ahi) akihi paipai ziehin, tutung “MLA Election” hun a ithei ding ua hoi kasah tamlou anuoi ah hing koi vang ei, tuate ahileh:

i) Ei mihingte pen imel ipuom uh akibatlou dung jui un, I support uh zong kibang lou hi. Tami thu ah nang hing support bang hing supportpi lou na innsah, innhang, na mite khu dougal melma et in en non sih vai... “Hattuom Lamkaite” (Upa, LCC Members, Khanglai leh Nupawl) Vote Campaign na zousie a VIP dan in kikoi non sin, na support bang hing support pi louten “Pulpit tunga Pasian thutah na gen chiengin, Vote sui a na dieng koikoi hing muten na Pasian thugen hing gingtatpi lou thei ahi man in pil vangin”. MLA Term khu Kum 5 ahia, Pasian gam nasep khu tawngtawn ahi, heipen lawching leh na ut ei? Telsiem mai in...

“Nang ma khelna sang in na ngamna alienzaw hi” - *Halen Keller.*

ii) Hattuum lamkai (Khristian dihtah) kahi kichi in, Vote zuo, ama Vote loupì khe ngam na hileh kingaitua in. India Kumpi'n zong "one man one vote" achilai a, nang na Vote na jua, nang Vote loupì (midang a, mi shisate Vote) tampi na khiet thei leh, na hina leh na dinmun theichienlou Khristian hikha ding na hi, kigelpa in!!!

iii) Biehna ngaisah manlou zen a dieng koikoi Hattuum lamkai (Khristian) namah? Juou leh nal a thugen in dieng koikoi non sin, "Limlang (Mirror) khu khatvei ake (broken) leh tua Limlang ah na mel hoitah nou in kilang nonlou ding hi, akilat chiengin 2/3 vel in na kimu ding hi." Na deisahpen pen khu Thumna leh na Vote manpha pe lechin tua kan a hoizaw umlou hi, tami khel a na gamtat leh Khristian Dan (Law) palsan nahi kia ta ding hi....

iv) A Vote manpha Rs 500, 1000, 2000 ah jua thei Khristian nahi leh kigel pha

in (vote bon kikhieth thei tuonlou chia jua). Na Vote na juajua zieh a igam hichituh a khangtou lou ahilam geldoh hun ahi tahi. Tutung a zong na jua kia leh na maban zong apeisa hun bang veve ding ahi, maban a khantouna na dei leh tunin na VOTE JUA non sin aw....

v) Candidate kunga Sum nget teitei ding, bangja ama khat election masang a loikhiet teitei ding lunggel na (i) neite uh tawpsan hun ahita hi, na deisah leh na panpi theina ding lampi sui inlen panpi zaw in, tami'n khonung adia chidamna ahizaw ding hi.

vi) Na Khristian sakhuo suh beinuom a lunggel nei, hing soisah zing Party (any party) khu Khristian dihtah kahi kichiten tuami party izawp ua i support thei zing uleh, na hina khu adihlou ahizaw ding hi, aziehpén "Miel leh Vah umkhawm ngailou ahi".

Tamte manghil nawn sih vai, "Election ibuoipi bangun

"Kipath khieth ngamna khu lawchinna ding lampi ahi" - *Winston Churchill*.

Pasian thutah buoipi thei talei moh... election thu ihoulim ut bangun, Pasian thutah houlim ut zaw talei moh... Mi khat Kum 5 sung alal dih i (na) deisah tuh in, mi dang khat a tawngtawn mun ding ngaikhopi thei talei moh... mi khat a dia shi ngap a na pan bangin, nang adia hing shi Jesu Khrist adin shi ngap zaw talei, igam ah muonna leh bitna, khantouna dih hing um mai ding hi”.

AKHUPSITNA: Khristian khat in Politics asaipen khelna ahi pai sih a, nanleh i politics saidan

pen Bible leh gam kipuodan toh akituo sih leh khelna ahi hi. Politics in khotang ah hoina, muonna leh bitna hing tun ding ahi chi theina pai, lal utna zieh a Khristian dan toh kituolou pi a Vote gu (capture), Vote lei, force zang ichite Pasian masang ah sil kidah huoi ahi hi (Ps. 119: 137, Jer. 9: 23-24, Ps. 117:7). Hattuum leh Politics tup-le-ngim kibanglou ahi man in Hattuumte (Khristian te) politiciante vanzat a ipan

kha ding ikiven ding leh ipilvang mama ding uh ahi (Vote capture, Volunteer, force a nasem dia Sum a goi). Politics asia kachi sih a, nanleh Khristian ten Politics isai dan poimaw kasa hi, Khristian ihi ngal leh dihtatna toh sai theilei ka nuom mama hi (Mika 6: 8). Arch Bihop Desmond Tutu in, “Khristianna leh Politics peikhawm thei na chi leh bang Bible e na sim?” chin agen hi.

Atawpna din, “Tu ahing tung ding election ah Khristian dihtah kahi na kichi ngal leh Na Vote Jua non sin, Sum dei man in Vote Capture, Voluter din kipe khe non sinlen, na hinkhuo tomnou na nei sung pen Pasian leh na mihinpite chidamna ding, bitna ding leh muonna tuntu hizaw sawm tavai, Hattuum lamkai (Belampu) na hileh hing pilvang in, dachia Pulpit tung a na Pasian thugen minten angai nuomlou kha ding zen in Vote campaign in hing dieng koikoi nonsin” chi

“Leitung a sil umte khu akiheng zing a, hinanleh Pasian leh na hagau aki heng ngai sih” - *Robert Browning in.*

khu simtute kunga ngatna ka hing bawl hi. Thupil khat in, “Na tawm (Jump) masang in na tuhna ding en chien in” achipen manghil sih vai aw..... na Vote nangma thuneina ahi, na zatkhiehl leh nang leh na gam miten athuohloh ding hi,

pilvang chiet vai.

Khristian ihina utoh Pasian leh Bible deidan bangtah a Politics sai thei chiet tadin simtu zousie Mangpa Pasian in hing guolzawl chiet taken. ●

Khristian Sakhuo leh Science

(Christianity & Science)

- Dr. S. Thangboi Zou

Laisiengthou simding: *Psalm 19:1, Proverbs 3:19–20, Genesis 1:1*

Thumapui: Tunin itenna leitung pen science leh technology in thupi tah in vai hawm ta hi. Smartphone te, huikhuo (space) a khuolzinnna te, damdawi lam siemnate leh bawltawm pilna (artificial intelligence (AI)) te toh, science in eite ngaituona, zilna leh nichin ihinkhuo manna ah hatangpi in thu a neita hi. Tambang hun ah, khanglai ten alungsim uah dohna khat nei uhi: **Science leh Khristian ginna akikal amah?** chi ahi.

Mi khenkhatte’n ginna (faith) ahisihleh science, khatpen-pen deitel ding in a ngaituo leng uhi. Hinanleh, Khristian sakhuo (‘Christianity’ chia zong igel lel ding) leh science pen melma hilou in, hoitah in thei in ngaituo tha lei, khat leh khat kizop leh kipanpituo ahi dan uh kilang hi. Anigiel in Pasian silsiem lamdanna,

akitupna(order) leh atupna (purpose) te ahing hilchien thei uhi. Science in silsiemdan (creation) ahing ensah a; Khristian hina in Silsiamtu (Creator) leh Ama’ lunggeel ahing hilchien thei hi.

1. Science leh Khristian Ginna: Science pen leitung silsiemte (natural world) zilna

“Leitung khu a pichingta a, mihing ten nisim a i poimawte buching tah in a thei ua, Pasian lam ngaisah nonlou, a buchin nalam a zuon zing uhi” - *Dietrich Bonhoeffer*.

ahi a, etna (observation), etkhietna (experimentation) leh ngaihtuona (reasoning) zangin aki zil hi. Science in dohna tampi abawl hi. Vannuoi (universe) khu bangchidan a hing um e? Silzousie bang a kipat siem ahi ei? Hinkhuo (life) in bangchidan kalsuon ahiei? chi dohnate bawl hi. Khristian ginna pen leitung leh vannuoi a silteng Siemtu Pasian leh mihingte kizopna theikhiet sawmna ahi. Tami'n zong dohna tuomtuom nei hi: Eiten bang'a dinga hinna inei uh ahiei? Koiin ang siem e? I tupna (purpose) bang ahiei? Bang pen dih a bang pen dihlo ahiei? chi dohna siem hi. Tuazieh in, science in silte bangchidan in ahing tung/pieng diei chi a hilchien a; Christianity in silte bang dinga a um ahiei, chi hilchetna abawl hi.

2. Pasian: Silteng Siemtu (The Author of Creation): Bible ahileh Thu manpha mama khat toh kipan ahi: "Achiil in Pasian in lei leh van A siem hi" (Genesis 1:1). Tami

thutah-bulpi khu'n vannuoi a silsiem tengteng apieng-tawm maimai hilou in, ngaituona leh pilna nei pum a Siemtu khat khutsuoh ahi, chi ahing hil hi. Science in Dan (laws) tampi a mudoh a, tuate khu, gentenan — Gravity (leitung in hiipna anei dan), Motion (kalsuonna dan), Energy (thahatna dan), Genetics (pienken/pienpi dan), chite ahi. Khristiante'n tami Dante ahing umtheina bulpi pen, Pasian in leitung khu fel tah leh Dan-nei taha abawl zieh ahi, chi'n igingta uhi. Inn khat in alam/bawltu (architect) umdan leh alunggelte alahsah bangin, silsiemte'n zong a Siemtu Pasian lunggel lej athupinate langsah hi.

Science in dohna tampi bawl a, tua dohnate'n Pasian lamdang (wonderful) ahina khu eite ahing theisah semsem hi: Etsahna in, Galaxy tampi umte leh a letdante in Pasian letdan a ensah hi. DNA umjie theisiem hamsatdan in Pasian' pilna a phuong lang hi. Ecosystem-te kituoh tah

"Pasian hing hepina khu azieh um ahi sih a, hepina zieh a ang hepi ahi" - *Gary Jones*.

a umkhawm leh kileptuohna (balance) in Pasian in asilsiemte kembit, ngaisah leh tengkhomsah ahidan hing ensah hi. Tuazieh in, Science lam zilna leh siemna pen Pasian biehna (worship) chi khat bang ahi, achi hiel uhi. Tuami biehna bang pen ahi ei, ichileh: Pasian nasep - a hoina, a kituupna leh a pilhuoinate - phat leh pahtawi zing khu biehpiehna chikhat ahi.

3. Khristian-Scientist Minthang Khenkhatte:

Science leh Christianity kizopna izil ahileh, khovel a scientist minthang tampite Khristian Ginna a kikibulphu ana hi uh imu chiengin thanop huoi mama hi. Scientific nasep khu Pasian thu toh kikal-lou ahidan agen ua, thamlou in, Pasian silsiemte thei semsem nading lampi ahizaw hi, chiin gen uong mama uhi. Amaute hinkhuo patsa in khangthaten sience zil kawm a Pasian it leh ngaisah thei ihi, chikhu iki hantawnna khat hihen.

3. (i) Isaac Newton (1643–1727) – Motion leh

Gravity Dan: Isaac Newton pen khovel a scientist lien pente lah ah khat a sim ahi. Ama'n sil kalsuonna dan (law of motion) leh leitungin hipna anei dan (universal law of gravitation) a muhdoh hi. Tami dante in, leitung a silte'n (objects) bangchidan a kal asuon uh ahiei – singkung apat apple bangchi kiehsuh a, bangchidan a nichin a planet-te Nisa kimvel a kivialkuol zing uh ahiei, chite hing hilchien thei hi. Hinaleh, Newton pen science lam mai a thupi ana hilou in, Pasian thu zilna (theology) lam ah zong lunglut mama-mi anahi ahi. Kum tampi Bible ana zil a, science thu sa'ng in Bible hilchetna laibu tampi ana giel zaw hi. Newton in, leitung leh vannuoi (earth & universe) a silsiamte khu Pasian in Dan kituptah aguon dungzui a kalsuon ahi uh, chi in a gingta tin-ten hi. Tambang in zong ana gen hi: "Nisa, planet-te leh comet-te hoitah nou a kiguoltuoh dan pen, Siemtu pil leh thahat khat lunggel leh vaihawmna zieh lou in

“Na hinna a na keplou dingte nusie inlan, na kep dingte suikhie in”
- *Forlan Bruce*.

umtheilou ding hi,” chi hi.

Newton ngaidan in, science Dante (scientific laws) muhdohna pen, Pasian in silsiamte feltah leh kituptaha abawl ahidan mukhietna khat ahi. Tuazieh in science lam a pilna mudohna (scientific discovery) in Pasian khu Siemtu feltah leh piltah ahidan hing gingta sah a, hing hatsah sem sem hi.

3. (ii) Johannes Kepler (1571–1630) – Planetary

Motion: Kepler ahileh vanlam zilna (astronomy) a ding a mipoimaw khat ahi. Aman planet-te kalsuonna Dan (laws of planetary motion), planet-te bangchidan a nisa kiim a kivial (orbit) ahi uai, chi ana mukhie hi. Aman asepna khu Pasian’ hatna (calling) dan in la hi. Athugen chiemte tham ching khat ahileh: scientist ten Pasian nua ah, Pasian lunggelte bang chibang ahiei, chi sui uhi, chi hi. Aman agingtat mama khat ahileh, Pasian in vannuoi khu angka melhoina (mathematical beauty) toh asiem ahi a, tami thu izil khu

bieh piehna khat ahi, chiin pomkip hi. Tuazeh in, science ahileh Pasian sibawlttheina leh siemna pahtawina chikhat hithei hi.

3. (iii) James Clerk Maxwell (1831–1879) –

Electromagnetism: Maxwell in theory of electromagnetism kichi ana mukhie hi. Tuakhu electric, radio, TV leh tulai kihouthaina vanzat a dinga poimaw leh suongphum bulpi khat ahi. Ama ahileh Pasian theimi, Khristian gin-umtah ahi ban ah, Pasian silsiemte etlawmna pansa in Pasian thupina genlatna ding in laavui tampi ana giel hi. Aman khovel a science nasep (scientific work) khu mihingte adi’a nnahoi sepna leh Siemtu Pasian zabawlina chii khat ahi, chi hi. Tuamabang in, science siemna leh theinate khu khovel in guozawlina atanna leh Pasian patawina dinga zah thei ahi, chikhu imanghillou ding uh ahi.

4. Silkidangte leh Scientific Dante (Miracles and Scientific Laws):

Science ahileh khovel peidan

“Kilekia a ngai ding leh i upna mun i nuasia china ahi zel hi” - Bruce Logan.

dungjui a Dan umsate (natural laws) a kingah ahi. Hinanleh Khristianten sillamding chituomtuomte (miracles), khovel Dan khellang a Pasian nasepnate, gentena in suhdamna, huipi khawlsahna, misisa thokiana, chite genkhah in kinei hi.

Miracles khu science vaailou ahiei mah? Hi vateh lou hi. Pasian in natural law-te asiem ahileh, tamauhte tung ah zong thuneina/thaneina nei hi chi thei vai. Tuazieh in, miracle ahileh science toh kikal sese lou in, Danpetu Pasian nesepna khat ahizaw hi.

Gentena khat envai:

- Itahsa sung a umteng in ngaina bang in nna sem ahidan science in ei hilchien hi.
- Miracle khu Pasian in Ama tupna (purpose) khat muolsuohna ding in umseh thei hi.

Miracle-ten sil peidan dihloou/pangailou ahidan ensah hilou in, a silsiem tung ah asiemtu Pasian hingkigol (involved) ahina ensah zaw hi. Robert

Boyle (1627–1691) – Father of Modern Chemistry, chia kihanpa in ‘silteng umdan leh peidan ngaina (natural process) khel lam ah Pasian in sil bawlthei ahi’ chi gindan hoitah in apomkip hi.

Bible sung ah Pasian sillamding bawl tampi muthei in um hi. Mangpa Jesu in zong sillamding tampi ana bawl hi chi imu bang in tunin eite lah ah zong Hagausieng in sillamding tampi bawl thei a, zong abawl zing hi. C.S. Lewis in: “Miracle-te khu leitung buppi a laiteng kigiel, eite simding a lien sengseng ahizieh in, laiteng neu a hing kigen kia toh kibang ahi”, chi hi.

5. Christianity leh Science Kikalna zieh Khenkhatte: Science leh Christianity khu apeikhawm thei ahita leh, bangzieh a kikalna (conflict) khatvei teng a hing um zel amah? Azieh them khat um hi:

5 (a). Bible thu ahilou lam a lahna : Khatvei vei miten lavui leh chiemtena thumalte science tobang in sim khajel

4. “Midang puogih pua muzing , panpina khut hakhelou mi khu Khrist hepina anei sih hi” - *Robert Austin*.

uhi. Bible tup pipen khu hagaulam a thutah bang ahiei chi zilna ahia, science bang a silteng akip-leh-akawi zilna hilou ahi, chi chiemte va ui.

5 (b). Science in abat-phah lou sil um hi:

Science in etthei (observable) leh chepthei (testable) silte ahing hilchien thei a, hinanleh silpoimaw dang, atahtah a um - itna, hindanhei, tupna, ahisihleh Pasian umpina, ichite khu hing hilchien theilou hi.

5 (c). Mihing Kisahtheina

(Human Pride): Kikalna/kituohlouna khu science apat hing kipan hilou in, mi khenkhatten science in dohna chikim adawnna nei hi, chi ngaidan dihloou anei zieh uh, ahisihleh, alangkhat ah, gingtu khenkhat in science pansa a theichetna (evidence) khu ngaituona zangloup i a amawh pawng nuol zieh uh ahi tangpi hi. Lungsieng tah a Pasian thu leh science i-etkhom ahileh buoina ding bangma umlou hi.

6. Khangthate thei ding thu

poimawhte: bkjhlk

a) Science mawh zau ding ahisih hi. Biology, physics, astronomy zilna in na ginna suseh lou ding hi. Thudih leh thudih kikal ngailou hi.

b) Dohna bawl in. Sil itheitutna in Pasian jaausah lou hi, Lungsieng tah a dohna in ginna thuhsah zaw hi.

c) Silkhat phot avalseng a hoi sih hi. Science in silbangkim hichien thei ding in ngaituo sin. Tualeh science khu theichien masa loup iin mawh nuol sin.

d) Siemzilna khu biehpiehna bangin ngai in. I tahsa sung a hii-te (cells), van a ahsite, lei a ecosystem-te na zil chiengin Pasian khutsiem dante zil nahi, chi kithei in.

Na siemna khu Pasian a dingin zang in. Doctor, engineer, sangsie, telsuimi leh adangdang hinanlehchin zong, science khu mihingte panpina ding leh Pasian patawina ding in zang in. ●

“Ang hepitu Pasian deilam bawl khu ka nna thupipen ahi” - Jason Sean.

KUM THUPI HILCHETNA

Prepared by: Rev Dr Hangminthang, Former Bishop

APRIL

THUPI: BANGZIEH A LAMTHA KIA NGAI E?

1. Simmaw a i um nawnlouna ding un (Neh. 2: 17).
 - a) Juda mite khu mite simmaw a aum ding ukhu Pasion in aphalsah ahi (Late 44: 12-14).
 - b) Pasion kunglam a akinuale theina ding ua, Pasion thununna ahi (Late 137: 1-9).

MAY

THUPI: NA LUNGTANG HING SUHSIETSAHTU KOI E?

1. MELMAPA- Setan ahi (1Pet. 5: 8).
 - a) Setan mupiehlou ding ahi (Eph. 4: 27).
 - b) Ginna a dettah a dinga dawimangpa dou ding ahi (1Pet. 5: 9).
 - c) Pasion galvan bukim a kithuom a dou ding ahi (Eph. 6: 13-17).

JUNE

THUPI: LAMTHA KIA DIA IKISAH CHIENGIN, AHING DOUDALTU DING MELMA NEI IHIDAN THEI IN.

Koi e na melmate? (Neh. 2: 19).

1. *Sanballat*: A min khietna ahileh, “Khelna in hinna apie hi...” (Sin gave life) china ahi. Babulon mite min ahia Hapi pasien (Moon god) toh kisamkaina nei a kiphuoh ahi. Tami khu Juda mite kulbaang bawlana a doudaltu khat ahia, tami in Pasion min a silpha ibawl sawm chiengin, ngaidan dihlou, gindan dihloute zangh in Setan in hing tohbuoi thei ahidan akilang sah hi. Ama khu Horon mi ahia, Nehemiah nasepna a doudaltu huoise tah ahi.

“Pasion zangaina khu phattuompi ding a Ama nai apoimaw hi” -
Patrick Lan.

2. *Tobiah*: Amin khietna ahileh, “Pasian a hoi hi” (God is good) china ahia, Hebru mite min khat ahi. Hinanleh ama khu Ammon mi ahi. Ammon khu Lot in a tanu toh ahin ahia, Israelte adia a melmate lah a khat nahi zing uhi (Kisim. 21: 24). Amin khietna dang khat ahileh, “A Kiphuoldap” (the hidden one) chi ahia, Egypt mite min ahi.

Tami in aetsah khu, tulai a Khristian hinapi a, ahina banga hinkhua mangloua; Pasian tate nasepnate a, doudaltu (khanmaw bawh) ana kikha thei zelte ahi.

3. *Geshem*: “Geshem” chi khu Hebrai haam in “Gua’ (rain) china ahia, leitang tapnou thei gua kigenna ahi. Ama khu Arabmi ahi. Arab mite Ishmael hahlesuonte ahi ua, Israelte dou zing mite ahi uhi. Tuni donga Israelte melma lienpen khu Arab mite ahi uhi.

Na melmate na thei ei? na melma na theilou leh bangchin na doudal thei diei? Na melma thei inlen, ahina leh a silbawl dante zong thei chien in.

JULY

THUPI: TU A I LAMTHA KIA DING UH KHATNA BANG E?

1. I hagau hinkhuo uh ahi (2 Pet. 1: 5-11).
 - a) Gingtute khu pienthana tanah ahuntawh mai sih a, I hagau hinkhuo uh ikepbit ua; ikep siengthou zing ding uh ahi.
2. I ginna dinmun uzong iki-et dih zing ding uh ahi (2Kor. 13: 5-6).
 - a) Jesu Khrist tungah na kingahna khu, leitung siltuomte ziehin, na theilou kaal in na kilepsan in, na taimangsan kha thei hi.
 - b) Gingu hinkhuo a khovel gimnamte leh khovel hindan toh kituoh a hinkhuo mannate khu suokhiet a, mihing tha, dihtatna, sienthoua leh Pasian toh kibatpi a kisiempen khu a kithuom zing ding ahi (Ephe. 4: 22-24). ●

“A hun laitah a Pasian ngaisahna lam a kilekia thei mite khu tangtawn a ding a gou khawl ahi uhi” - Aaron Shane.

MISSIONARY BIOGRAPHY:

JOHN HUS (1373-1415).

“Thutah gum, Mi hangsan”.

JOHN HUS HINKHUO MASA: German khopi khat Bohemia kichi innsung genthei tah akhawsa innsung pat in AD 1373 in ahing pieng khie hi. Ama hunlai in chi-le-nam buoi, hattuum kisiena thu kigen thang vengvung laitah ahi. Amaute Slovenia Nam leh Czech kichi ahi uhi. Hattuum Upate leh lamkaiten hattuum sietgawpdan leh bawltha kul ahidan ana genzel hi. AD 1383 kum in Bohemia kumpinu tanu leh England ku mpi hing kiteng uhi. Tam kiteenna in gam nite kitanauna piengsah hi. Laisim dingin Bohemia apan England a Oxford University ah tampi ahinglut theita uhi. Bohemia mite England gam a laisiemten John Wycliffe laibu gelte Bohemia gam ah ahingpuo ua, John Wycliffe laibu bawl ahing simna kipan in mite lungsim zong siemphatna dingin a kimanta uhi. John Hus pen Prague University a sangsye (Lecturer), mi thuzawh thei mama mi ahi. Thugen asiem mama a, siempu in apang hi. Prague khopi ah thugen a siem ziehin sakhuo biehna lama leh politic lam ah thugentu a guot in aum hi. A mite a thei a, a miten zong amuong ua a suong mama uhi. A umdan leh a hinkhuo siengthou leh dihtatna zieh in miten a ngaisang mama uhi. Thugen a siem a, Nam pumpi Lamkai thupitah ahingsuo hi.

JOHN HUS NASEPTE: John Hus in John Wycliffe laibute ahingsim chiengin asiltup leh deidan amankhe pai hi. A laibu simin athuzaw mama hi. Tuachin Bawlphatu (reformer) te lah a khat ahing hi tahi. John Wycliffes sinsahna apom a, kum 1403 in mipi vantang theiding in Wycliffe thugen leh sinsahnate thudih ahi chiin aphuongkhie hi. Hattuum lamkaite dihlouna leh a thanghuoinate uh agen jiehin a mudah ua, hinanleh mipi vantang in vang agum uhi. Kum 1413 kum in Pope kichi in “Indulgence” (Vangam ticket) a zuoh pen napitahin akal (deilou) a, Pope kichi pen “Khrist Doudaltu” (Anti-Christ) ahi

“Lunggil tah a Pasion han a, Ama zuitu hina khu akipahna hi ding a kipah apoimaw hi” - Glen Keaton.

ua, a thugente zui lou ding ahi, achi hiel hi. Tuachin Pope zong thangpai in Prague khopi ah, “Matna dingdan” akoi a, John Hus khu Pregue khopi a kipan ahawlkhiet in aumta hi.

AD 1412 kum in Pope John XXII in a delkhie hi. Kum 1414 in Constance a vaihawm pawlten a dinmun genchieng dingin ahan uhi. Bangma lawlou ding chi a, a chiem jieh un ava haw hi. Tuana mawpaiin aum a, Thonginn ah akhum ua, bawlgentheih leh gawtin aum hi. Hinanleh adinmun pen akengiem tuon sih hi. Wycliffe gindan leh sinsahna zui chia mawpai a aum in July 1415 in mipi vantang mitmu in Mei a hallup in aum hi.

Bohemia ten John Hus a gum ua, Mei a hallup sahjieh uleh Nam lamkaite athasah jieh un a thangpai mama uhi. Zalenna (Independent) del pawlkhatten buoina ahingpan ua, German kumpipa a zou ua, agam alasa uhi. Tam thu in Europe gam pumpi a lingsah hi. Amau lah a pawlni ahingpha ua, Ultraguist kichi pawl leh Taborite kichi pawl ahi uhi. Ultraguist kichite pen mihausa leh mithupi lamte ahi ua, Taborite pen minautang ahi deu pen uhi. Amauten Wycliffe sinsahna pumpi azui ding achi uhi. Tuabang kal ah tuolgal in a zui a, atawp in Toborite te a guollet uhi. Hinanleh Bohemia gamsung ah zalenna aum a, Pope thuneina a kipan suohtatna a nga uhi. Taborite te pen gamnuoi mi (underground) dan in a um ua, khonung in Bohemia Brethren ahilou leh Moravian te akichi uhi.

JOHN HUS THUHILTE: Hattuum kivaipuohtan leh thuginte dihlou chiin pang nanleh Mangpa Nitah Ann (Sacrament) thu in Roman Catholic te pomdan (Transubstantiation) apom veve hi. Hattuum lutang khu Pope hilou in Jesu Khrist ahi achi hi.

Khristian tengteng ading a, thunei lienpen khu “Laisiengthou” ahi. Tua khu mi zousien asim ding ahi achi h. Hinanleh hattuum sungah lamkaite thu thu a I umding uh ahi achi hi.

Siempu in mite khelna ngaidamna anei sih hi, achi hi. Mangpa Nitah Ann (Tanghou leh Uain) mipite nehsah/ piehding ahi achi hi. ●

“Amin maimai hilou, bangjim khu atah a bawl ding ahi”- G. Douglas.

MELC GUWAHATI HATTUAM PHUONKHETNA REPORT TOMKIM

- Rev Kamminthang, Director of Mission & Evangelism

MELC 2nd Central Core Committee Thupuasah No.1 dt.25/02/2026 lemsahna bang in, i gintat lou Pasian hing puina itan uh hitava kachi a, 26th February 2026 (Thursday) 7 Am in Lamka nusie in i pawlpi gari Scorpion toh (i) Upa S. Zamzalam, Moderator (ii) Upa GL Tunngung, Deputy Moderator (iii) Rev. Kamminthang, Director of Mission & Evangelism (iv) Pa Papau Driver MELC toh Guwahati a Hattuum mite toh kimu ding in kakuan uhi. Suun nitum leh zaan khovah in katai uhi. 27th February 2026 (Friday) 4 am in Pastor M. Hausawmlal, Shillong Local Pastor pa la malam in damtah in 8am in ka tuunna mun ding uh Lamka inn Beltola, Guwahati ka tung uhi. Hotel ah kisusieng in tomkhat khawldam in zing ann neh jou in Rev. Dr. S.K. Manlun te inn zuon in theitui dawn in thumna nei in Upa Khamzalam inn Makhuli, Pilangkata mun ah chini leh bawngnoi te toi in MELC Hattuum tang in piehna Moderator in nei in Upa GL Tunngung, Deputy Moderator in conduct la in houlimna anei hi. Upa S. Zamzalam, Moderator in aban houlimna anei a, akuan lamteng in houlimna tomkim kanei jou un Upanu Manpi leh Upa Khamzalam te nupa in zong houlimna nei in amaute gel nupa in zong ka ngetna uh hing theisiem in, Zomi Christian Fellowship (ZCF) Guwahati MELC in satkeh hilou in midang ten zong innlam a amaute hina apuoh khiet ding leh ei MELC ten zong ipat uh angai chin kithukimna Pasian min in kahing neithe i ta uhi. MELC ordained kahina toh, innlam a ka innkuan pite daani, nawpni bangkim a i Hattuum jal tampi kana jou nate uh jaal in Pasian muong in MELC Hattuum min jang in kal isuan ding uh chin thukimna hoitah ahing neipi thei uhi. Kipah tah in houlimkhomna thumna toh kajou ta uhi.

Kou innlam apat a kuanté zong tha-ngah kisa in innlam a i Hattuum te Innsuan aban ban in thumna nei kawm in "Khantanhoi Khaubang Sut Ding Kei Guolngai Chiel Vang" chin kahing tuon uhi. Nitah 11 am tan ah Hattuum mite inn tuon in houlimna hun kahing jang thei uhi. Tualah Rev. Dr. SK. Manlun, D.S. Lamka West Division leh Upa John Simveng ten jong MELC Guwahati mun a apieng theina ding un theitop ana suo uhi. Amaute gel tung ah zong lungdamthu ka tun hi.

Guwahati mun katun masang ua pat in Guwahati khopi sunga imi-isa teng pen Zomi Christian Fellowship (ZCF) Guwahati apat a 1st March 2026 (Sunday) chieng a Zou Presbyterian Church Synod (ZPCS) a kiphuong khe ding a mi zousie annkuong lui

"Tangtawn suongpi kiling ngailou Mangpa ah bitna aum hi"- *Ivan Jorge.*

dia bangkim arrangement a felsa diam ahi ta hi. Seppi Pastor tampi ten Lamkka mun apat in mobile tungtawn in houpi thei teng ana phone a pan nahtah a ana lateng tung a lungdam thu kahing tut hi. I pankhawmna te jal in leh Pasian nasepna jal in mite lungsim ah Pasian in thugen ahi ngei dinga, i hattuum mi tampi lungsim ahing kihawng thei hi.

MELC Office te hing tung ta, ZPCS Office te hing tungkia ding chi thu aum tah man in Guwahati Khopi sunga imi-isa teng 27th February 2026 (Friday) nitah 11 am tan in Zou Innkuan Guwahati chia ana kipawlkhawm umsa min zang in Upa Khamzalam inn a meeting thupitah suan apa mi 18 toukhawmna anei uhi. Atup pen uh ahileh MELC, ZPCS chin kikeh lou in Zou Innkuan Fellowship (ZIF) Guwahati min zang in kikhen lou in Fellowship din ding chi ahi. Ahin i unaute kungah ngetna abawl uleh alemthei tah lou man in a zingni 28th February 2026 (Saturday) 11 am in Upa Khamzalam te inn ah meeting anei kia ua, ZPCS, MELC lamkai hing zinte kimupi tuoh a Hattuum phut lou dinga ngetna bawl ding chin kithukimna tam bang in ahing bawl ta uhi.

Guwahati khopi sunga eimi umteng Zomi Christian Fellowship a um ut teng a um den ding ua, innlam hina dawla ZPCS leh MELC a um utteng ama ute deitelna bangin a utna chiet ua umding ahi chi ahing Phuong kheta ua, Zou Innkuan in biehnah thu a bangma thuneina anei sih ding chin kilemna ahing nei uhi.

1st March 2026 (Sunday) 2 pm in Upa Khamzalam leh Upanu Mani Inn Malkhuli, pilangkata mun ah MELC Phuonkhietna mang leh uap dingin Shillong Hattuum Local Chairman Upa Jangkhouhah leh LCC pihte, ELWA lamkaite, LYF lamkaite Bus 2 dimjen leh Private gari tampi in ahing uap uhi. Shillong Hattuum tunga lungdamthu katun hi. 2 pm in Vaiguon pat ahita hi. Upa S. Zamzalam Moderator MELC in MELC Guwahati Pa toh, Tapa toh, Hagau Siengthou min in phuonkhietna leh laatna nei ta hi. Halleluia! Tni mama in MELC Guwahati 16 Families Mangpa'n ahing pie hi.

Thakhat thu hima nanleh Guwahati MELC Hattuum deisah mama Hattuum leh Innkuan, mimal teng tunga MELC Office min in lungdamthu kahing tun hi. Amaute ahi leh

- | | |
|-------------------------------------|----------------|
| 1) Shillong Lutheran Church | : Rs. 50,000/- |
| 2) Delhi MELC | : Rs. 25,000/- |
| 3) Bengaluru MELC | : Rs. 15,000/- |
| 4) Pu Dr. ND. Samte & Family, Moreh | : Rs. 5000/- |
| 5) Upa John & Family, Simveng | : Rs. 10,000/- |
| 6) MELC Office apat in: | |
| a) Turn Singpilum koina | : 1 |
| b) Plastic Chair | : 30 |
| c) Holy Bible | : 02 |

“Pasian toh kilemlou mite khu koina toh a kilem thei sih uhi” -
Stephen Ralph.

- d) Labupi/Lathabu : 10
 e) Annkuang luina leh Adang dang
 7) Rev. Dr. SK. Manlun & Family : Lecturer stand – 1
 8) Pu T. Ginlianhang & Family, Shillong : Plastic Chair 50 – Rs. 35,000/-
 9) Pu Guite Sumkhanmung, Special Contractor, Khominhang : Rs. 5000/-

Deisahna silih peteng churches, family, mimal teng Mangpa'h atam josem in hing vangbuah ta hen chi ka thumna ahi hi. Tualeh tuami ni mama in MELC Guwahati LCC, ELWA, LYF lamkai ding in tam anuai a teng guotna leh laatna Moderator MELC in anei ngal hi. Amaute ahileh:

LCC MEMBERS

- Chairman : Upa Khamzalam
- Secretary : Pa Dallianhang
- Joint Secretary : Pa Khamsianpau
- Finance Cum Treasurer : Pa Kakap
- Member : Pa S. Thangneipau & Pa Kampi

ELWA MEMBERS

- Chairperson : Upanu Manpi
- Secretary : Nu Nemngaikim
- Finance Secretary : Nu Chinhauniang
- Treasurer : Nu Chingkhosiam
- Member : Nu Nuanuam, Nu Thangngainiang, Nu Manmeng

LYF MEMBERS

- Chairman : Pa Lun Sialep
- Vice Chairman : Tv. Thangsianmang Mantuang
- Secretary : Tv. P. Laljoy
- Joint Secretary : Nh. Manhoikim
- Finance Cum Treasurer : Nh. Manneilam

SUNDAY SCHOOL UNION

- Superintendent : Nu Ruthi
- Ass. Superintendent : Tv. P. Laljoy
- Teachers : Nh. Zengailun Nh. Manhoikim Nh. Lamniang

Vaiguon jaw in lungdamna annkuang nehna kinei in kipah tah in vaiguon jaw ahi ta hi. Nitah lam bangtan ahiei Upa Khamzalam te inn ah houlimna kanei nua un Pi Kailianching Guwahati in thumna nei in chibai kibuh in kang kikhen ta uhi.

Tuachin Lamka in Beltola mun a zaan hing gieh in a zingni 2nd March 2026 (Monday) 7 am in Guwahati nusie in Aizawl juon in kang pei khie ua suun nitum in gari toh hing tai in 12 pm in Lamka cost Guest house, Aizawl kang tung uhi. Gim mama kahi man

“Khristian leh khansietna akitua sih hi” - *Simon Jones.*

un a zingni 3rd March 2026 (Tuesday) 11 am in Aizawl nusie in Lamka kahing juon uh a, 8 pm in damtah in Lamka kang tung thei uhi.

MELC Pawlpi itna zaal a thumna, sum leh pai, phone tungton a pan hing lahpi teng teng tungah Pasian min lungdamthu ka hing tun hi.

MELC Guwahati Hattuum zaanni mama a dingkhie Hattuum mite thumna ah laan chiet vai. Mangpa'n Hattuum hing gualzawl jel ta hen. *Lungdam ing* ●

MELC INNSUNG THU:

1. LYF LAMKA EAST/ WEST/ MOREH DIVISION IN KUM 60 CHINNA DAIMONG JUBILEE ZANG: Apeisa nisim 27th Feb. - 1st March, 2026 MELC Office Campus (Zomi Colony) ah Lamka Division a ana umkhawm Lamka East, Lamka West leh Moreh Div. te'n a khangthu uh chiemteh na ding leh Kum 60 chinna Pasian mai a kipah thu tutna in Diamond Jubilee pawl nei uhi. Jubilee. To Proclaim the year of the Lord's favor Luke 4:19 chi thupi pansan in DS Division teng 3 apat in Pasian thugenna leh Bishop, Dir. of Ministries, tualeh Biel Pastor te apat Pasian thugenna aum hi. Tami Jubilee vaiguon lawchinna dia pan la zousi, sum-leh-pai, tha-leh-zung, thu-leh-laa a hing pang tengteng tungah Jubilee Committee te'n tami i channel tungtawn un kipah thu igen hi. Tualeh Division 3 teng in LYF hatsem nading in pan hing la tou a LYF a dinga Khuom poimaw tah ahidan uh thei semsem a i manggam na i sephkawm na uah ki tuoh dildiel ding leh Pasian min a pangkhawm siem zaw semding in ngetna ahing nei sawnsawn uhi.

2. LYF BENGALURU IN SEMINAR & FASTING PRAYER HUN ZANG: Apeisa nisim 19 March 2026 in Lutheran Youth Fellowship, Bengaluru in nai 11:00 AM in Seminar & Fasting Prayer nei uhi. Tami hun ah members 33 pei khom hi. Tualeh Resources person in Rev. Douchinlal leh Nh. Deborah te pang uhi.

Tua leh Prayer points te Nh Manneikim, Tv Thangvangtung, Tv Seikholun ten mapui uhi. Rev. Douchinlal (Local Pastor) in topna thumna nei in vaiguon zaw ahi ta hi. Pasian mapuina toh lawchingtah in vaiguon zang uhi. ●

“Pasian thu khu a hoilam a subbuchin ding khu imopuona uh ahi”
- Gary Jose.

DECLARATION FORM FORM - IV (SEE RULE 8)

- | | |
|---|---|
| 1) Place | : Zomi Colony, Churachandpur |
| 2) Periodicity | : Monthly. |
| 3) Printer Name | : Rt. Rev. T. Khup Do Khen |
| 4) Whether citizen of India | : Yes |
| 5) If Foreign, state country of origin | : N/A |
| Address | : Zomi Colony, Post Box – 10,
Churachandpur – 795128, Manipur,
India. |
| 6) Printer Name | : Rt. Rev. T. Khup Do Khen |
| 7) Whether citizen of India | : Yes |
| If Foreign, state country of origin | |
| and address | : N/A |
| 8) Editors Name | : Rt. Rev. T. Khup Do Khen |
| 9) Whether citizen of India | : Yes |
| 10) Country of origin and address | : Simveng, Churachandpur - 795128,
Manipur, India. |
| 11) Name and address of Individuals
who own the newspaper and partners'
and shareholders holding more than
one per cent of the capital | : Manipur Evangelical Lutheran Church |

I, Rt. Rev. T. Khup Do Khen, hereby declare that the particulars given above are true to the best of my knowledge and belief.

Dated: Zomi Colony
April 01, 2026


(RT. REV. T. KHUP DO KHEN)
Signature of Publisher


“Thu khu lultah a hing tung a, tua khu atah a hinpi ding ahi” -
Gilbert Lewis.

If undelivered, please return to
The Editor, Gospel Tangkou
MELC Head Office, Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)



Mother's Day



BOOK POST

To

.....

.....

.....